

Broj: 01-01.3-1154/17 S.L.

Datum: 27.03.2017. godine

Na osnovu člana 17. stav (1), člana 18., člana 28. Zakona o javnim nabavkama („Službeni glasnik BiH“ broj: 39/14 u daljem tekstu Zakon), te člana 2. i 7. Pravilnika o javnim nabavkama JP Autoceste FBiH, Odluke Uprave broj: 01-587-5/17 od 15.02.2017. godine v.d. direktor JP „Autoceste FBiH“ d.o.o. Mostar, donosi:

### ODLUKU o pokretanju postupka vanplanske javne nabavke

1. Pokreće se vanplanska javna nabavka: „Dodatne usluge 2 za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“, koja će se ugovoriti putem pregovaračkog postupka bez objave obavještenja za nabavku usluga. Kriterij dodjele ugovora je „najniža cijena“, propisan Zakonom i podzakonskim aktima za njegovo sprovođenje;
2. Procijenjena vrijednost nabavke iz tačke 1. ove odluke iznosi: 38.140,00 KM bez uračunatog PDV-a;
3. Ugovaranje dodatnih usluga iz stave 1 ove Odluke izvršit će se sa Projektantom: „IPSA INSTITUT“ d.o.o. Sarajevo sa kojim je zaključen ugovor broj: 01-01.3-3192-17/15 S.L od 10.12.2016. godine., ref. JPAC 720-A100-15 i to na način da će se u okviru ugovorenih sredstava utvrditi cijena za stavku koja nije definirana osnovnim ugovorom, a na uštrb sredstava koja nisu utrošena u osnovnom ugovoru, odnosno izvršiće se prenamjena neiskorištenih sredstava iz osnovnog ugovora, uz poštivanje principa Zakona;
4. Služba javnih nabavki će pripremiti svu potrebnu dokumentaciju za provođenje postupka dodjele ugovora putem pregovaračkog postupka bez objave obavještenja utvrđenog u dijelu drugom, odjeljak C. Zakona.
5. Ugovorni organ objavljuje na svojoj internetskoj stranici informacije o pregovaračkom postupku bez objave obavještenja o nabavci koji namjerava provoditi na način da će tendersku dokumentaciju učiniti dostupnom za sve zainteresirane ponuđače;
6. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Sl. glasnik BiH br. 103/14);
7. Komisija za nabavke izvršit će otvaranje ponude, provesti pregovore sa Projektantom, te dati preporuku v.d. direktoru za donošenje Odluke o dodjeli ugovora ili Odluke o poništenju postupka nabavke;
8. Ova odluka stupa na snagu danom donošenja.

### Obrazloženje

Tokom realizacije ugovora ref. JPAC 720-A100-15 „Usklađivanje glavnog projekta dionica Buna-Počitelj sa važećim tehničkim specifikacijama“ ostao je neiskorišten dio stavke 3 - Geotehnička ispitivanja i istraživanja jer se pokazalo da je postavljeni opseg istražnih radova u





Projektnom zadatku preobiman. Prema navedenom, neiskorišten je iznos od 56.350,00 KM bez PDV-a), od čega je 18.200,00 KM (bez PDV-a) ugovorom ref. JPAC 815-A107-17 za dodatne usluge 1 prenamjenjeno za izradu multikriterijalne analize za trasu autoceste Mostar sjever – Buna. Pregovarački postupak za nabavku navedene multikriterijalne analize je proveden i ista će dati poređenje tri prethodno sporne varijante trase autoceste i to: trasa kroz Mostarsko polje, trasa u zaleđu Mostara i trasa pored aerodroma Ortiješ. Preostali dio neiskorištenih sredstava iz osnovnog ugovora iznosi: 38.140,00 KM (bez PDV-a).

Pored navedene multikriterijalne analize za tri varijante trase autoceste, a na osnovu Zaključka Vlade FBiH broj: 02-23-1265/11 od 10.02.2017. godine, potrebno je pokrenuti istraživanje mogućnosti optimizacije trase autoceste na koridoru Vc, poddionica Mostar jug-Buna.

S ciljem provođenja donešenog zaključka Vlade FBiH i prezentacije optimalnog položaja trase autoceste na dijelu Mostar jug – Buna relevantnim institucijama, potrebno je pokrenuti izradu multikriterijalne analize za druge dvije varijante trase autoceste i to: trasu pored aerodroma izrađenu u sklopu predmetnog ugovora i novu trasu koja prolazi zapadnim obroncima grada Mostara uklapajući se u Prostornim planom definiranu lokaciju petlje Mostar jug.

Obzirom da se za izradu ove Multikriterijalne analize direktno koriste podaci dobiveni realizacijom predmetnog ugovora, ista se smatra direktno vezanom za uslugu ugovorenu u sklopu predmetnog Ugovora.

Procijenjena vrijednost nabavke je 38.140,00 KM. Ovom nabavkom će se izvršiti prenamjena odnosno preugovaranje dijela neiskorištenog iznosa iz osnovnog ugovora, na način da će se utvrditi cijena za stavku, koja nije definirana predmetnim ugovorom, javnom nabavkom putem pregovaračkog postupka za ugovaranje dodatnih usluga u skladu sa članom 23. tačka b) Zakona.

Na osnovu navedenog JP „Autoceste FBiH“ d.o.o. Mostar je pokrenulo pregovarački postupak bez objave obavještenja za nabavku usluga: „Dodatne usluge 2 za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“.

Ova Odluka će u skladu sa članom 28. stav (4) biti objavljena na internetskoj stranici JP „Autoceste FBiH“ d.o.o Mostar [www.jpautoceste.ba](http://www.jpautoceste.ba)

Shodno navedenom odlučeno je kao u dispozitivu.

Prilog:

- Odluka o odobravanju vanplanske nabavke

v.d. direktor:

Adnan Terzić, dipl.ing.



Identifikacijski broj 4227691540005 PDV broj 227691540005  
Glavni račun: Union banka Sarajevo 1020010000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296664549

AD